

ՈՐՈՇՈՒՄ

Արգելադրված գույքը հարկադիր էլեկտրոնային աճուրդով իրացնելու մասին

27.03.2019թ.

ք. Երևան

Հարկադիր կատարումն ապահովող ծառայության Երևան քաղաքի Կենտրոն և Նորք-Մարաշ բաժնի հարկադիր կատարող արդարադատության լեյտենանտ Ա.Ամիրջանյանն ուսումնասիրելով՝ թիվ 00859684 կատարողական վարույթի նյութերը՝

ՊԱՐԶԵՑԻ

ՀՀ Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության դատարանի կողմից 17.12.2014թ. տրված թիվ ԵԿԴ/1853/02/14 կատարողական թերթի համաձայն պետք է Սամվել Վարդգեսի Մելիքյանից հոգուտ «ՎՏԲ-Հայաստան բանկ» ՓԲ ընկերությանը բռնագանձել 864.393 ՀՀ դրամ և հաշվեգրվող տոկոսները, մինչև պարտավորությունների փաստացի կատարման օրը:

Պարտապանից բռնագանձել նաև բռնագանձման ենթակա գումարի 5 տոկոսը, որպես կատարողական գործողությունների կատարման ծախս:

Հարկադիր կատարումն ապահովող ծառայություն է մուտքագրվել պահանջատեր՝ «ՎՏԲ-Հայաստան բանկ» ՓԲԸ գրությունը համաձայն որի թիվ ԵԿԴ/1853/02/14 կատարողական թերթով պարտապան Սամվել Վարդգեսի Մելիքյանի ունեցած պարտավորությունները կազմում է 1.715.950 ՀՀ դրամ:

Բռնագանձումը տարածել թիվ ՈՎ 041 13 01994 գրավի պայամանագրով գրավադրված ոսկյա իրերի վրա:

Ձեռնարկված կատարողական գործողությունների արդյունքում, գրավի առարկայի շուկայական արժեքը որոշելու համար կայացվել է «Փորձագետ նշանակելու մասին» որոշում, որի կատարումը հանձնարարվել է Ա/Ձ Օնիկ Պետրոսի Ֆրանկյանին:

Ըստ Ա/Ձ Օնիկ Պետրոսի Ֆրանկյանի կողմից տրված եզրակացության 07.12.2018թ-ի դրությամբ Սամվել Վարդգեսի Մելիքյանին պատկանող /թվով 2/ «ՎՏԲ-Հայաստան Բանկ» ՓԲ ընկերությունում գրավադրված ոսկու արժեքը ընդհանուր կազմում է 887.600 ՀՀ դրամ:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1, 35.2, 35.3 և 35.4 հեղվածներով՝

ՈՐՈՇԵՑԻ

Պարտապան Սամվել Վարդգեսի Մելիքյանին պատկանող գրավադրված ներքոհիշյալ գույքը

Խ/Խ	լուծի անվանումը	գնահատման գինը	մեկնարկային գինը	գույքի քանակը	քաշը	հար գ
1	Ոսկյա շղթա	714.000 դրամ	535.500 դրամ	1 հատ	51,0 գր	750
2	Ոսկյա կախազարդ	173.600 դրամ	130.200 դրամ	1 հատ	12,4 գր	750

Ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով:



Հարկադիր էլեկտրոնային աճուրդի սկիզբը՝ 16.05.2019թ.

Որոշման պատճենն ուղարկել կողմերին:

Որոշումը կարող է բողոքարկվել ՀՀ Վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

Հարկադիր կատարող,

արդարադատության լեյտենանտ



Ա.Ամիրջանյան

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: